



UNIVERSITÄTS-
BIBLIOTHEK
PADERBORN

Universitätsbibliothek Paderborn

Widder die kelch Diebe

Bugenhagen, Johannes

Wittemberg, 1532

VD16 B 9473

Des gleichen auch den kelch.

urn:nbn:de:hbz:466:1-34042

glauben/ vnd nicht den Türcken/ das Sacrament gegeben hat/ Der es verachtet/ der ist ein vnglaubiger/ er sage/ was er wil/ Denn er verachtet Christum selbs im seinem befehl. Wenn man aber das Sacrament nicht haben kan/ so were es ein ander meinung. Solich nu zu zeiten nach dem befehl Christi im Sacrament essen seine leib/ so las mich auch im Sacrament trincken seinen kelch/ denn ein solch Abendmal hat er vns vom Sacrament befohlen/ fur das geistliche essen vnd trincken/ las mich antworten/ wie Paulus saget/ Probet autem seipsum homo etc.

Des gleichen auch den kelch.

Zum dritten/ So stehet auch geschrieben vom Sacramente/ Christus nam auch des gleichen oder nach der selbigen weise/ den kelch/ nach dem Abendmal/ dancket/ gab in seinen Jüngern/ vnd sprach/ Trincket alle daraus/ Dieser kelch ist das Newe Testament im meinem blut/ das fur euch ausgegossen wird zur vergebung der sunden. Hörestu wol?

Das Pfaffen recht gebent/ das alle Christen sollen am wenigsten des jars ia ein mal/ als auff Ostern/ zum Sacrament gehen/ sonst sollen sie nicht mit vns zur Kirchen gehen/ auch nicht auff den Kirchhoff begraben werden. Das deuten nu unsere Pfaffen also/ nemlich/ das die Leyen nur eine gestalt des Sacraments sollen nemen. Wenn wir nu also fragen/ Lieben Pfaffen/ warumb gebietet jr doch solches so gestrenge den Leyen/ vnd sonderlich/ auff die Osterliche zeit? So antworten sie/ Dmb des befehls Christi willen/ Solt ein Christ/ Christus befehl verachten? Recht/ Wo hat vns denn Christus das Sacrament seines leibes befohlen? Sie antwor

ten/

ten/Er nam das brod in die hand/ brach es/ gabs seinen
Jungern/ vnd sprach/ Nemet hin vnd esset/ das ist mein
leib/ der für euch gegeben wird/ Solchs thut zu meinem
gedechtnis. Lieben Pfaffen/ ist es auch ewr ernst/ das
jr vns also antwortet/ vnd spricht/ das Christus mit den
worten auch vns Leyen sein brod habe befohlen/ vnd ge-
boten/ das wir/ so offt wir wöllen/ das brod des 3^{en} Arn
davon er saget/ Das ist mein leib/ der für euch gegeben
wird/ sollen essen zu seinem gedechtnis? Ja trawen/
antworten sie/ solte es nicht vnser ernst sein/ solten wir
schertzen odder heucheln/ das ist/ nicht von hertzen redē/
von solchem hochwürdigem Sacrament. Da stehet Chri-
stus befehl vom Sacrament/ darnach müffet jr Leyen
euch ia halten/ Denn jr müffet das ia wissen/ Wen Chri-
stus den Leyen das Sacrament inn diesem befehl vñ mit
diesen seinen worten nicht hette befohlen/ so hetten die
Leyen gar kein Sacrament/ den man lieset sonst nirgend
das Christus das Sacrament hab befohlen/ denn alleine
mit diesen worten/ inn seinem letzten Abendmal/ Dar-
umb seid jr Leyen schuldig zum Sacrament zu gehen. So
höre ich wol/ Christus hat sein brod nicht alleine den A-
posteln vñ Priestern befohlen zu essen/ sondern auch vns
Leyen/ so offt wir darumb zusammen komen/ zu seinem ge-
dechnis/ So gehören wir auch inn das Abendmal Chri-
sti/ wie wol wir nicht Aposteln sind/ odder priesterlich
ampt furen inn der Christenheit/ Denn wir sind Discipu-
li/ das ist/ jünger Christi/ welchen Christus das Sacra-
ment geben hat/ nach ewer eigene lere vñ bekenntnis/ vnd
folget schlechts draus/ das Christus seinen Aposteln das
Sacrament gegeben hat/ nicht als Aposteln odder Prie-
stern/ sondern als Discipulis/ das ist/ seinen jünger/ die
von jm das Euangelion lernen/ als Mattheus auch mit
klaren worten bezeuget. Das aber Discipuli Christi nicht
alleine

alleine Aposteln sind/ das lies Johan. 6. so du so grob
bist/ vnd verstehst es nicht/ Vnd jr Pfaffen leret vns ia/
das Christus im seinem Abendmal nicht alleine den prie
stern/ sondern auch den Leien habe befohlen/ sein brod zu
essen im Abendmal/ zu seiner gedechtnis/ Vnd darumb/
das wir Leien solch ein gnadenreich befehl Christi nicht
sollen verseumen oder verachten/ zwinget jr vns/ aus son
derlicher liebe/ die jr zu den Leien habt/ das wir zum Sa
crament sollen gehen/ es sey vns lieb odder leid/ sonder
lich auff Ostern.

Danck habet/ lieben Pfaffen/ das jr vns so wol lee
ret vom brodt: des HERN aus den worten vnd befehl
vnsern lieben HERRN Ihesu Christi/ Wer wolt nu
fort an sagen/ das die Pfaffen die Leien verführen? Sol
ches ist ia nicht seer vnrecht geleret/ wie wol jr nicht sol
tet mit solchen gestrengen geboten die leute zum Sacra
ment zwingen. Der befehl Christi/ gilt bey den rechten
Christen wol also viel/ das sie doch wol des Sacraments
recht gebrauchen/ on ewern zwang/ Vnd wir halten die
nur für lose Christen/ die alleine vmb ewers gezwangs
willen/ auff Ostern zum Sacrament gehen.

Was ist nu für ein vnterscheid/ wenn ein Leye das
brod Christi isset/ vnd wenn ein Pfaffe das brod Christi
isset? Sie antworten. O ho/ das ist ein gros vnterscheid/
Denn die Leyen essen da alleine das brod Christi odder
den leib Christi zu seiner gedechtnis/ ein iglicher allein
für sich selbst/ Wir aber im vnsern Messen/ Sacrificiren
den Son Gottes (behüte Gott) für die lebendigen vnd
die todten.

Wer hat den Leyen befohlen/ also zu essen zum ge
dechnis Christi. Christus im letzten Abendmal wie ge
saget ist. Wer hat euch Pfaffen das Sacrament befo
len zu Sacrificiren für die lebendigen vnd todten? Chri
stus hat

E ij

stus hat ia im letzten Abendmal das Sacrament nicht
Sacrificiret/ auch hat es in Christus nicht befohlen zu
Sacrificiren oder zu opffern für die lebendigen vnd tod-
ten/ sondern hat geboten zu essen. Er hat in nachmals
auch nicht befohlen zu Sacrificiren/ sondern das sie nach
mals oft thun solten/ was da im Abendmal des Sacra-
ments halben geschach. Christus gab es in/ Sie namen
es/ vnd thaten/ wie Christus befohl. Doch davon ist zu-
vor genug gesagt.

Also sind wir der sachen eins/ des brods halben/ so
viel als Christus befohl mit sich bringet/ Was aber on
befehl odder widder den befohl Christi wird furgenom-
men/ das gehet die rechten Christen nicht an/ sondern
sollen sich dafür hüten/ als für dem größten gewel.

Aber lieben Pfaffen vnd liebes Pfaffen volck/ lasset
doch hören/ Warumb treibet jr die Leien so gestrenge
von dem Kelche des HERRN/ das jr auch Gott darn-
ber leffert/ vnd mordet die leute /die Christo gehorsam
sein wollen inn seinem befohl? Ir treibet vns gewaltig
vnd mit macht zu dem brodte Christi auff die Osterliche
zeit/ vnd thut solchs vmb des befohls Christi willen/ wie
jr saget/ vñ treibet vns doch noch viel herter/ bey verlust
leibes vnd der seelen (seer Apostolisch vnd priesterlich)
von dem Kelche des HERRN/ den vns doch Christus
gebent inn dem selbigen seinem befohl/ als seinen jüngern
odder Christen/ on vnterscheid/ nicht anders/ denn wie er
zu vor sein brod seinen jüngern gegeben vnd befohlen hat.
Den Jüngern/ denen er sein brod gibt zu essen/ zu seinem
gedechtnis/ nicht zu Sacrificiren/ den selbigē gibt er auch
seinen Kelch zu trincken zu seiner gedechtnis/ nicht zu Sa-
crificiren. Sind wir jünger Christi/ wenn wir sein brod ne-
men nach seinem befohl/ warumb sind wir deñ nicht auch
jünger

jünger Christi/ wenn wir auch seinen Kelch wöllen trin-
cken/nach seinem befehl?

Der nicht taub odder blind/ odder seiner gemei-
ner vernunft beraubt ist/ mus ja bekennen/ so er nicht
wil widder sein gewissen vnverschemet liegen/ das alhie
der befehl Christi/ on vnterscheid/ auff einerley iünger
gehe/ so wol vom kelche als vom brodte des **HERREN**/
Lies doch recht Christus befehl/ so wirstu es anders ni-
cht befinden/ Lies die Historien/ so wirstu es sehen/das
es die Christen nicht anders verstanden odder gehalten
haben. Bezeuget doch Sanct Lucas vnd Sanct Paulus
klerlich/das Christus den kelch seinen iüngern nicht an-
ders gereicht vnd befohlen hat/ denn wie er zuor sein
brod gereicht vnd befohlen hatte/ gleich vnd mit der sel-
bigen weise/ denn also schreiben sie/ Similiter et Cali-
cem/vel ad eundem modum et Calicem etc. Das ist/Des
gleichen odder nach der selbigen weise nam er den kelch/
dancet/gab in vnd sprach etc. Hörestu nicht/das alda
stehet/Des gleichen odder nach der selbigen weise. Simi-
liter/Similiter/ Wenn die Pfaffen ein solch wörtlin für
sich hetten/wie solten sie trozen.

Aber las vns sehen das wörtlin/Similiter/ aus dem
gangen befehl Christi/ Christus nam das brod vnd dan-
cet vnter dem Abendmal/Des gleichen nam er auch den
kelch/vnd dancet/nach dem Abendmal. Christus brach
das brod/ das ein jeder solt davon essen/vnter dem A-
bendmal/ Des gleichen gebot er einem jglichen vom kel-
che zu trincken/nach dem Abendmal/mit diesen worten/
Trincket alle daraus/ das ein jeder alhie solt teilhafftig
sein aus dem kelche/gleich also wol als von dem brodte.
Christus gab das brod seinen Jüngern vnter dem Abend-
mal/ Des gleichen odder nach der selbigen weise/gab er
auch den kelch/ den selbigen seinen Jüngern/nach dem
E ij Abendmal/

Abendmal/ Christus gebot seinen Jüngern das brod zu
essen vnter dem Abendmal/ Des selbigen gleichen gebot
er auch den selbigen seinen Jüngern den Kelch zu trinckē
nach dem Abendmal/ Christus gab seinen Jüngern das
brod vnter dem Abendmal mit diesen worten/ Das ist
mein Leib der für euch gegeben wird/ Des gleichen gab
er auch den selbigen seinen Jüngern den Kelch/ nach dem
Abendmal mit diesen worten/ Dieser Kelch ist das Neue
Testament/ in meinem blut/ das für euch ausgegossen
wird zur vergebung der sunden. Christus befihlt seinen
Jüngern von dem brodte zu essen/ Solches thut zu mei-
nem gedechtnis/ Des gleichen oder nach der selbigen wei-
se/ befihlet er auch den selbigen seinen Jüngern darnach
vom Kelche zu trinckē/ Solchs thut/ so offt jr es trincket/
zu meinem gedechtnis. Christus befahl sein brod zu es-
sen zu seiner gedechtnis/ nicht das man darvon solt ma-
chen eine Fegfeyrsmesse odder ein Sacrificium/ Vnd der
heilig geist hat vns in diesem part sonderlich wol wolt
verwaren/ das er hat die wort Christi vom Kelche wider
der Pfaffen schendliche misbrauch also schreiben lassen/
Solchs thut/ so offt jrs trincket/ zu meinem gedechtnis/
vnd spricht nicht/ So offt jr Sacrificiret odder Fegfeyrs
messen haltet/ für die lebendigen vnd die todten/ sondern
spricht/ so offt jrs trincket. Gleich wie wir jünger Christi
essen solle sein brod/ welchs ist sein leib/ zu seiner gedecht-
nis/ also des gleichen odder nach der selbigen weise sollen
auch wir jünger odder Discipuli Christi trincken seinen
Kelch oder seinen tranck/ welcher ist sein blut/ zu seiner ge-
dechnis. So grob vnd mit so vielen worten müssen wir
vnser Grobianen zur schule furen.

Solchs alles bezeuget Paulus mit klaren worten/
vnd deutet den ganzen befehl Christi vom ganzen Sa-
crament zu den Corinthern/ die ia zum meisten teil Leyen
waren/

waren/also/ So jr werdet essen (nicht gemein brod/
sondern) das brod (dauon Christus sagt/ Nemet/esset/
Das ist mein Leib/der für euch gegeben wird) vnd wer-
det trincken (nicht einen gemeinen Kelch odder tranck/
sondern) den Kelch des **3. ERXXVI** (dauon er saget/
Trincket alle daraus/Das ist mein blut etc.) so verkündi-
get den tod des **3. ERXXVI**/ so lange/bis das er kömpt/
das ist/ bis zum Jüngsten tag. Ich schweige nu/was
noch mehr hernach stehet. Was ist doch klar/wenn solche
wort nicht klar solten sein? Das sey gnug von dem wört
lin Similiter.

Lasset vns nu sehen die wort des befehls Christi/
vom Kelche/ daraus wir auch wol hören mügen/ob die
Leyen auch zum Kelche des **3. ERXXVI** gehören/ Also
spricht er/ Dieser Kelch ist das Newe Testament in
meinem blut/ das für euch ausgegossen wird/zur verge-
bung der sünden/Solchs thut/ so oft jrs trincket/zu mei-
nem gedechtnis. Er spricht/ Es ist mein blut/wie Mat-
theus klar bezeuget/ vnd spricht nicht/ Es ist mein blut
vnd Leib zusammen/ Darumb spricht er auch klerlich/
Das für euch ausgegossen wird. Hörestu noch nicht/was
hastu von diesem Sacrament/wenn du den befehl Chri-
sti nicht hast? Was wir von Christo hören/das glauben
wir/Darnach mache mit menschlichen gedancken soniel
Concomitantien/ als du wilt/ alleine sihe ia wol zu/das
du nichts abbrichst dem befehl Christi/ Die Göttliche
Majestet wil nicht veracht sein/ Auff deine gedancken
sol alhie niemands bawen/sondern alleine auff die wort
vnd auff den befehl Christi / sol es ein Sacrament sein
des glaubens/so mus es nicht anders zugehen. Er spricht
auch/Trincket alle draus/Den Jüngern den er das brod
gab/den befihlt er auch den Kelch/vnd heisset sie solchs
offemals thun vnd trincken. Widderumb frage ich/auff
die wort

die wort des HERRN vom Kelche/ Gehören nicht die
Leyen auch zum Newen Testament/ das ist/ zu der verge
bung der sünden/ Gehören die Leyen nicht auch zum blu
te Christi? Ist das blut Christi nicht auch für die Leyen
ausgegossen/ zur vergebung der sünden? Sollen die Lei
en nicht auch des HERRN gedencen/ vnd seinen tod
bekennen vnd verkündigen/ so viel/ als in befohlen ist/
bey irem gesinde/ bey irer freundschaft vnd gesellschaft/
Gotte zu ehren/ in selbs zur seligkeit/ dem teuffel vnd der
tollen welt zu widder/ es koste/ was es koste? Wie sind
wir denn dazu komen/ das vns die Tyrannen den Kelch
verbieten? Doch dauon/ wollen wir nachmals mehr
sagen.

Der Priester weihung.

Wenn vnser Pfaffen mit so klaren worten werden
angeredt/ so were es ia billich/ das sie einmal sich redlich
on vnuerschemete lügen/ verantworten/ oder geben Got
te die ehre/ vnd bekenneten iren irthumb. Sie sprechen
aber/ Nein/ die sache ist noch nicht so klar/ wie jr Ketzer
meinet/ jr halt vns alleine die schlechte wort Christi für/
vnd den gebrauch der Christen/ bey vnd nach den gezei
ten der Aposteln/ Ihr müisset nicht alleine hören/ was
Christus saget vnd befihlet (behüte Gott) sondern jr
müisset auch hören/ was wir leren vnd sagen. Unser Do
ctor Emser fiel schnel vnuersehens dahin/ vnd bleib tod
zu Dresden/ da er vom Kelche schreib widder die Leyen/
Welch buch/ da es durch die andern wol ausgepuzet
war/ musste es nachmals den namen vnser Alueldij für
ren/ doch on seine schuld/ wiewol mit seinem willen/ Vnd
vnser Roffensis hat vber solche sachen auch seine schan
de geschrieben/ noch wollen wir Pfaffen nicht anffhö
ren zu liegen/ zu lestern/ zu verführen/ solten wir auch alle
zumal